

CADWYN BRO

Cylchgrawn Eglwysl Bro Dinbych
Gwelnidog: Y Parch. Ddr. Andras Iago
Ffôn- 07778511672 E-bost- andrasiago@outlook.com

Tachwedd 2018

Rhif 087

Ymhlith y pentwr o hen daflenni yn y cwprdd mae copi o hen bamffled prin iawn a gyhoeddwyd yn Ninbych yn 1914-5. Ar ei chlwr mae'r geiriau hyn: 'Blwyddyn Newydd Dda i Chwi, a Buddugoliaeth Fuan'. Ar y dudalen gyntaf, ceir llythyr gan M.S. Gee yn gofidio fod y geiriau i hen alawon Cymreig yn prysur fynd yn angof. I ateb y galw, mae wedi llunio pamffled at ddefnydd milwyr Cymru, 'gan obeithio y cewch lawer o funydau difyr yn eu canu wrth y pentan, neu yn y *trenches*, pan fydd y gelyn allan o'r clyw'. Yn y tudalennau sy'n dilyn ceir yr amrywiaeth ryfeddaf o ganeuon gwladgarol Cymreig, emynau, penillion gwrth-Almaenig a phenillion gwreiddiol o blaid y rhyfel cyfiawn.

Mae'r bamffled fach yn codi cymaint o gwestiynau. Oedd cyhoeddwr y bamffled yn ymwybodol o gwbl o amodau'r milwyr yng ngogledd Ffrainc? A fu rhai'n closio at ei gilydd a chanu 'Hen Wlad fy Nhadau' a 'Gwnewch Bopeth yn Gymraeg' yng nghanol y brwydro? Beth bynnag am hynny, mae pethau fel y

pamffled fach hon i'w trysori: maen nhw'n ein hatgoffa ni mai straeon pobl fel ni ydyn ni'n ymhel â nhw wrth gofio diwedd y rhyfel yn 1918. Ie, cofio diwedd y rhyfel ydym fis Tachwedd eleni – diwedd pedair blynedd hir o ymladd ar sawl ffrynt rhwng yr ymerodraethau. Wrth gofio'r gorffennol, rydym hefyd yn naturiol yn troi i feddwl am y rheiny sy'n gwasanaethu yn y lluoedd arfog heddiw a'u teuluoedd, a'r pwysau unigryw sydd ynghlwm â'r swydd. Cofiwn hefyd y rheiny sy'n dioddef heddiw o ganlyniad i ryfel yn eu gwlad, yn arbennig bobl Yemen.

DIGWYDDIADUR

Oedfa i'r Fro yn Capel Trefnant, Tachwedd 4ydd, am 10 y.b. Croeso cynnes i bawb o bob oed!

Astudiaeth Feiblaidd y Fro

Cynhelir astudiaeth Feiblaidd bob pythefnos ar ddydd Mercher am 1.30 y.p. yn Ffestri Trefnant. Byddwn yn cwrdd y mis hwn ar y 7fed a'r 21ain. Croeso cynnes i bawb!

Cinio'r Fro

Cynhelir y cinio yn y Capel Mawr ar ddydd Gwener, Tachwedd 9fed, am 12.00.

Clwb Ieuenctid ar y 16eg a'r 30ain o Dachwedd yn Ffestri Llandyrnog rhwng 7-8.30 y.h. Croeso cynnes i bawb - am fwy o wybodaeth cysylltwch ac Andras.

CYNGERDD gan CÔR Y PORTHMYN

Nos Sul, Tachwedd 4ydd. am 7.30yh.

Mynediad: £6 i oedolion

Elw tuag at yr adelladau

Tocynnau ar gael gan aelodau Pwyllgor yr Adelladau neu yn Sioep Clwyd.

Maes parcio wrth Ysgol Twm o'r Nant ar agor.

Arddangosfa Adnoddau Cyngor Ysgollion Sul – Capel Trefnant, nos Fercher 14eg Tachwedd.

Ffair Nadolig Anrhegion, Crefftau a bwyd

Sadwrn 17eg o Dachwedd 2018

10:30yb- 1:30yp

Capel Waengoleugoed, Waen, Llanelwy

Cardiau ac Addurniadau Nadolig,

Crefftau Nadoligaidd,

Cacennau, Bwyd Nadolig (yn barod ar gyfer y rhewgell) Siytni /Jam,

Torchau Nadolig a Choed Nadolig i'w archebu

Anrhegion newydd o bob math i blant ac oedolion

Sion Corn gyda anrheg i bob plentyn

Standinau amrywiol eraill

Mynediad £1 a chyfle i ennill Hamper Nadolig
Dim costau— pob ceiniog yn cefnogi St Cyndeyrn a Gofal Dydd y
Waen a Cynllun Ymweld Helpu'n Gilydd

BODFARI

Dydd Sul, Tachwedd 4

10.00 – Parch. Bernard Thomas

Dydd Sul, Tachwedd 11

9.45 – Parch. Andras Iago

Dydd Llun, Tachwedd 12

Cinio Cynnil yn y Ffestri 12.00 – 1.00

Croeso cynnes i bawb

Llongyfarchiadau i Clwyd Parry ar ddathlu penblwydd arbennig y mis yma.
Hefyd ein cofion at bawb nad ydynt yn mwynhau lechyd gorau ar hyn o bryd.

BRWCWS

Dydd Sul, Tachwedd 4ydd

Oedfa'r Fro - Capel Trefnant am 10.00

Dydd Sul, Tachwedd 11eg

Ysgol Sul am 10.00

Parch. W H Pritchard am 2.00

Dydd Sul, Tachwedd 18ed

Oedfa'r Teulu a Chymun - Parch. Andras Iago am 2.00.

Nos Fercher, Tachwedd 21ain

'Er lles Bywyd Gwyllt a Phobl' noson gyda Iwan Edwards, Pont y Tŵr,
yn Ffestri'r Fron am 7yh. Cymdeithas y Chwirydd ar y cyd â Cymdeithas
Ddiwylliadol y Fron a'r Brwcws.

Dydd Sul, Tachwedd 25ain

Ysgol Sul am 10.00

Parch. Bernard Thomas am 2.00

Ysgol Sul - Croeso mawr i Karen Jones a'r plant Arthur, Flora a Henry atom.

CAPEL Y DYFFRYN

Dydd Sul Tachwedd 4ydd am 10 yb

Oedfa'r Fro yn Nhrefnant

Dydd Sul Tachwedd 11eg am 10.45yb

Sul y Cofio yn Eglwys Llandyrnog

NOS LUN Tachwedd 12fed am 7 yh

Y Gymdeithas - Gyrfa Chwilod a
Stondin y Goeden Nadolig

Dydd Sul Tachwedd 18fed am 9.45 yb

Parch Nesta Davies
Gwasanaeth ac Ysgol Sul Plant
Ysgol Sul Oedolion am 9.15 yb
Eryn a darllen - Iestyn
Organ - Anwen
Blodau - Menna Ellis

NOS LUN Tachwedd 19eg am 7 yh

Y Gymdeithas - "Gwyltiroedd" gydag
Aneurin Phillips

Dydd Sul Tachwedd 25ain am 11 yb

Parch Huw Dylan Jones
Gwasanaeth ac Ysgol Sul Plant
Ysgol Sul Oedolion am 10.30 yb
Eryn a Darllen - Hywel
Eryn a darllen Plant - Ysgubor Efa
Organ - Glenys
Blodau - Mary

GELLIFOR

Dydd Sul, Tachwedd 4ydd

10.00 - Oedfa'r Fro - Trefnant

Dydd Sul, Tachwedd 11

Gweler Cadwyn Bro.

Dydd Sul, Tachwedd 18

11.00 - Parch Nesta Davies
Llywydd - Glen
Gwasanaeth Dechreuol - Bryn Tiron
Offeryn - Alaw
Blodau - Marian

Dydd Sul, Tachwedd 25

9.45 - Parch Huw Dylan Jones
Llywydd - Gareth
Offeryn - Richard
Blodau - Marian

Y FRON

Sylwch fod yr oedfa foreol ar Dachwedd 11eg am 9.30am yn Y Capel Mawr oherwydd ei bod hi'n Sul y Cofio.

Dydd Sul, Tachwedd 4ydd

10am - Oedfa'r Fro yn Nhrefnant dan arweiniad y Gweinidog

Dydd Sul, Tachwedd 11eg

**9.30am – Y Capel Mawr - Y Parch. W.H. Pritchard, Bae Trearddur

5.30pm – Y Fron - Y Parch. W.H.Pritchard, Bae Trearddur

Dydd Sul, Tachwedd 18fed

**11am – Y Capel Mawr - Y Bugail – gweinyddir Cymun yn yr oedfa hon

5.30pm – Y Fron – Y Bugail

Dydd Sul, Tachwedd 25ain

10am – Y Fron – Y Parch. Bernard Thomas, Trefnant

5.30pm – Y Capel Mawr – Y Parch. Bernard Thomas, Trefnant

Organyddion – Eiri Jones, Iona Edwards

Casglyddion – Aelwyn Lloyd, John Geraint Jones

Blodau – yn gyfrifol Gwenda Owens

Tachwedd 11 – Gwenda Owens

Tachwedd 19 – Dilys Davies

Tachwedd 25 –

Croesawu –

Tachwedd 11 - Gaynor Prew

Tachwedd 19 – Richard Snelson

Tachwedd 25 – ErfylWilliams

Nos Sul, Tachwedd 4ydd. am 7.30yh. **CYNGERDD** – gan **CÔR Y PORTHMYN**

Cymdeithas Ddiwylliadol a Chymdeithas y Chwiorydd y Fron a'r Brwcs

Tachwedd 21ain.(Nos Fercher) 'Er llês bywyd gwyllt a phobi' gan Iwan Edwards, Pont y Tŵr ('Garddio a mwy' S4C).

Mi fyddwn yn falch o dderbyn Bocsus Esgidiau, (apel Nadolig T4u) erbyn dydd Sul Tachwedd 18fed, Diolch I chi am eich cefnogaeth at yr apel yma.

Y CAPEL MAWR A SEION

NOFRT

DALIER SYLW

Mae trefniadau oedfaon mis Tachwedd yn anghywir yn y Blwyddlyfr.

Dyma'r drefn sydd yn gywir.

Sylwch fod yr oedfa foreol ar Dachwedd 11eg am 9.30am yn Y Capel Mawr oherwydd ei bod hi'n Sul y Cofio.

Hefyd cofiwch pan fo'r Gweinidog gyda ni yn Y Capel Mawr neu'r Fron bydd yr oedfa am 11am.

Dydd Sul, Tachwedd 4ydd

10am - Oedfa'r Fro yn Nhrefnant dan arweiniad y Gweinidog

Dydd Sul, Tachwedd 11eg

**9.30am – Y Capel Mawr - Y Parch. W.H. Pritchard, Bae Trearddur

5.30pm – Y Fron - Y Parch. W.H.Pritchard, Bae Trearddur

Dydd Llun, Tachwedd 12fed

Cyfarfod Gweddi – 1.30pm

Dydd Sul, Tachwedd 18fed

**11am – Y Capel Mawr - Y Bugail – gweinyddir Cymun yn yr oedfa hon

5.30pm – Y Fron - Y Bugail

Dydd Mawrth, Tachwedd 20fed

Yr Aelwyd am 1.30pm yng nghwmni Mr Hari Huws, Y Rhyf.

Ei destun fydd "Licyris Olsorts".

Dydd Sul, Tachwedd 25ain

10am– Y Fron – Y Parch. Bernard Thomas, Trefnant

5.30pm – Y Capel Mawr– Y Parch. Bernard Thomas, Trefnant

Llywydd Y Mis: – Mrs Cheryl Williams

Casglyddion:-

Mrs Carys Jones

Mrs Mair Les Jones

Wrth y Drws:-

Mrs Carys Jones

Mrs Mair Les Jones

Organydd/ Cyfeilydd:-

Tachwedd 11eg – Mrs Catrin Warren

Tachwedd 18fed – Mrs Dorothy Rogers

Tachwedd 25ain - Mrs Catrin Warren

Blodau

Tachwedd 11eg - I'w drefnu

Tachwedd 18fed – Mrs Gwyneth Kensler

CASGLIAD AT YR ADEILADAU - Gyda'r rhifyn hwn dylech dderbyn amlen ar gyfer cyflwyno'ch cyfraniad at Y Casgliad at yr Adeiladau.
Gwerthfawrogwn rhag blaen eich haelioni.

Aelwyd Capel Mawr

Mair Jones ddechreuodd cyfarfod mis Hydref drwy ddarllen cerdd T. Rowland Hughes i "Harddwch". Croesawyd bawb gan Helena Williams, a braf oedd gweld Eirwen Evans yn ol wedi gwaeledd. Ein siaradwraig wadd oedd Mrs Cath Williams Llansannan, a chroesawyd hithau gan y llywydd.

Roedd wedi dod i roi sgwrs am ral o deithiau beic oedd hi a'i gwr Alwyn wedi wneud. Roedd ganddi luniau arbennig o dda wedi eu tynnu gan Alwyn, a chawsom brynhawn difyr iawn yn mynd gyda hwy ar deithiau o gwmpas Llyn Tegid, Llyn Efyrynwy a Llyn Trawsfynydd. Cawsom hanes diddorol llawer o lefydd ger y llynnoedd hyn, fel Eglwys Sant Beuno, giat mynwent Llanuwchllyn, ei atgofion o Ganolfan yr Urdd yn Glanllyn, hanes yr hen bentref yn Efyrynwy a llawer o lefydd o ddiddordeb ger Llyn Trawsfynydd.

Difyr iawn hefyd oedd hanes y daith hollol wahanol i'r Iseldiroedd lle mae rwy o feics na phobl!

Diolchwyd i Cath gan Olwen Roberts, ac i Carys Jones a Dorothy Bartley am baratoi paned. Mae mor braf cael eistedd a chymdeithasu ar ol y cyfarfodydd hyn. Buom yn meddwl am y rhai sydd dim yn dda ar hyn o bryd, a dymunwn y gorau iddynt.

Mis Tachwedd

Cyfarfod Gweddi ar y 12fed am 1.30

Yr Aelwyd ar yr 20 fed am 1.30 pryd y bydd Hari Huws Rhyl, a'i bwnc "Licyris Olsorts" yn siarad am amrywiol bethau.

Croeso cynnes i bawb ddod i'r cyfarfodydd hyn

LLANRHAADR, PRION A'R GLYN

Dydd Sul, Tachwedd 4ydd

10.00 - Oedfa'r Fro yng Nghapel Trefnant

Dydd Sul, Tachwedd 4ydd

4.00 - Pentre - Cymdeithasu gyda phaned a chacen (manylion isod)

Dydd Sul, Tachwedd 11eg

11.00 - Pentre - Parch Ifor Jones

Dydd Sul, Tachwedd 18fed

9.45 - Prion - Mr Arwel Roberts

Dydd Sul, Tachwedd 25ain

9.45 - Pentre - Parch John Owen

CYMDEITHAS - Cawsom gychwyn da i'r tymor yn ein noson agoriadol, mwynhawyd lobsnows, pwddin a phaned - diolch i'r merched am baratoi'r bwyd bendigedig fel arfer, a diolch hefyd i bawb fu'n helpu. Bu i bawb fwynhau'r adloniant amrywiol a phleserus iawn yng nghwmni Sion, Cerys a Catherin a'u mam Llinos, Pwllglas.

COFION at Mr Dafydd Roberts, Cwm Parc sydd adre ar ôl bod yn Ysbyty Glan Clwyd a'r Inffirmari- rydym yn meddwl amdano. Hefyd am Mrs Glenys Jones, Coed y Fron gynt sydd yn yr ysbyty.

YSGOL SUL - GWASANAETH DIOLCHGARWCH Y PLANT A'R BOBL IFANC

Cawsom gyfiwyniad bywiog a thrawiadol ar y testun "Toilet Twinning" yn ystod y Gwasanaeth Diolchgarwch. Hoffai'r plant a'r bobl ifanc ddiolch o galon am y gefnogaeth hael. Mae'r ymgyrch wedi codi cyfanswm o £457.00 sy'n golygu medrwn brynu rhes o doiledau mewn ysgol a phedwar toiled unigol i bedwar teulu yng ngwlad Burundi, Affrica. Rydym yn edrych ymlaen i dderbyn y tystysgrifau a'r lluniau o'r toiledau newydd. Bydd y toiledau newydd yn gwneud gwahaniaeth mawr i fywydau ein ffrindiau yn Affrica. Yn ogystal, aethpwyd â llond bwt car o nwyddau iechydol i'r banc bwyd lleol yng Nghapel Mawr a'r gyfer cefnogi'r ymgyrch "Period Poverty". Diolch i bawb a gyfranodd i'r ddau ymgyrch.

Ymweliad â Phlas Llanrhaeadr a Phlas Gwyn, Llanychan.

Yn dilyn sgwrs ymwybyddiaeth "Dementia Friends" gan Nyrs Gwenno Davies yn ddiweddar, aeth criw'r ysgol sul i ymweld â Phlas Llanrhaeadr a Phlas Gwyn, Llanychan un bore sul. Yno cafodd y plant, bobl ifanc a'r rhieni gyfle i sgwrsio ac i adlonni'r preswylwyr gyda eitemau diolchgarwch. Cawsant groeso gwresog gan y preswylwyr a'r staff - a gwahoddiad i ymweld eto'n fuan.

YSGOL SUL a'r GYMDEITHAS - Pnawn Sul, 4ydd Tachwedd am 4.00yp, sgwrs gan Catrin Cae'r Felin ar ei ymweliad a'i phrofiad yn America. Paned a chacen, a than gwyllt i ddilyn. Croeso cynnes i bawb.

GLYN

Dydd Sul , Tachwedd 25ain

2.00 - Cynhelir oedfa gyda'r Parch. Andras Iago.

Dymuniadau gorau i Ynyr, Pen Bryn Llan ar ei daith i Patagonia efo'r Urdd, edrychwn ymlaen i glywed dy hanes.

TREFNANT

Llywydd y Mis : EIFION WILLIAMS

Dydd Sul Tachwedd 4ydd

10.00 : Oedfa'r Fro yn Hydref

Blodau : Gwyneth Evans

Dydd Sul Tachwedd 11eg

10.00 : Mr Dennis Davies 11.15 YSO

3.00 : Gwasanaeth Gweddi a Mawl

Blodau : Eleri Jones

Dydd Sul Tachwedd 18fed

9.45 : Bugail 11.00 YSO

3.30 : Bugail

Blodau : Eleri Jones

Dydd Sul Tachwedd 25ain

10.00 : Parch. Glyn Thomas gyda phaned i ddilyn

3.00 : Gwasanaeth gweddi a Mawl

Blodau :

Cynhelir Ysgol Sul y Plant yn ystod gwasanaeth y bore dan ofal Angharad Ellis ac Anwen Evans.

CYFARFOD GWEITHGAREDDAU Mae'r cyfarfodydd prynhawniau Llun yn parhau ar waith y tymor ar brynhawniau Llun yn y festri. Yn ogystal a chyfle i addoli, cymdeithasu, sgwrsio a mwynhau paned, maent yn brysur ar hyn o bryd yn creu ar gyfer eu Ffair Nadolig blynyddol fydd i'w chynnal eleni fore Sadwrn , Rhagfyr 1af rhwng 10.30 a 12.00 pm yn Neuadd y Pentref. Maent hefyd yn dechrau paratoi ar gyfer llenwi Bocsys Nadolig i blant mewn angen a byddant yn falch iawn i dderbyn rhoddion tuag at y gwaith hwn. Mae'n braf fod y bwrdd yn llawn unwaith eto a'r bwrwlwm a'r cymdeithasu mor fywiog ag erioed! Mae croeso o hyd, wrth gwrs, i chi droi i fewn i fwynhau'r cwmni.

CYFARCHION arbennig i Marian Roberts sydd yn treulio amser erbyn hyn yn Dolwen yn Ninbych - mae'n siwr fod y wen barod a'r sgwrs lawen yn gymorth iddi ymgartrefu'n hapus yno - ein cofion cynnes atoch Marian. Yr un cyfarchion at aelodau eraill sy'n gwella - braf clywed fod Glynwen adre ond angen cymryd gofal a bod Clen a Kath yn ol yn yr oedfaon erbyn hyn.

GWYL DDIOLCHGARWCH Cynhaliwyd Gwyl lwyddiannus ar nosweithiau Mawrth a Mercher, Hydref 9fed a 10fed - diolch i bawb fu'n cymryd rhan mewn unrhyw fodd. Mae'r casgliad tuag at Gymorth Cristnogol wedi cyrraedd £520 erbyn hyn – diolch eto.

Y GYMDEITHAS LENYDDOL ar Nos Wener, Hydref 26ain gyda noson o gemau dan ofal Angharad a Mali Ellis ac yna ar Nos Wener, Tachwedd 23ain bydd Mair Beech Williams yn adrodd ei hanes yn cerdded "Y Moon Walk" yn Llundain a gwneir casgliad arbennig y noson hon ar gyfer Ymchwil Canser y Fron. Llywydd y noson fydd Eirlys Roberts. Croeso cynnes i bawb yn y pentre ymuno yn y gweithgareddau.

CYDYMDEIMLAD Estynnir ein cydymdeimlad cywir a Dilys, Anwen a Mair a'u teuluoedd yn eu galar o golli Hywel yn ddiweddar – bydd set wag hebdo yn y Capel.

Neges Nesta

Bu'r Timau Agor y Llyfr yn brysur iawn adeg y Diolchgarwch yn cyflwyno Stori'r Creu yn Ysgol Twm o'r Nant a Thremeirchion. Pleser o'r mwyaf oedd dechrau yn ysgol Pant Pastynnog a chroesawu Carole

Collins, Elsbeth Jones ac

Olwen Jones atom. Rhoddwyd cyfraniadau at y Banc Bwyd mewn sawl ysgol a chapel. Bydd Casgliad yn Siop Tesco Prestatyn o ddydd Iau 29ain o Dachwedd hyd ddydd Sadwrn 1af o Ragfyr. Os oes gennych amser i wirfoddoli cysylltwch!



Cymorth Cristnogol

Cafwyd noson ddfyfr yn Eglwys St Thomas ar y 24ain o Hydref yn cefnogi apel argyfwng yr Hydref drwy gael Pwddin a Phaned a chafwyd sgwrs gan y Parch Anna Jane Evans. Cofiwch os rhowch gyfranniad nawr bydd yr Undeb Ewropeaidd yn ychwanegu ato i hwilo anffodusion Indonesia.

Dyma ni'n nesau at y Nadolig, a llawer o baratodau at wasanaethau a partion o gwmpas y Fro. Efallai yr hoffech anfon cardiau, fel fi, a chefnogi elusennau wrth wneud hynny. Am y tro cyntaf mae Gofal dydd Waengoleugoed a Helpu'n Gilydd wedi cynhyrchu cardiau. £2:95 ydynt am becyn o ddeg. Mae 7 cynllun gwahanol efo cyfarchiad dwyieithog y tu mewn, a rhoddais ffurflen ichi archebu rhai yn y capeli – mae dewis o Gynllun Mul, Eglwys a Defaid, Robin Goch, Doethion, Stabl, Mair a Joseph neu Ddyn eira. Mae llawer o unigolion o'r fro wedi manteisio ar y gwasanaeth sydd i'w gael yno. Hefyd mae ganddynt Ffair Nadolig ar Dachwedd 17 a llawer o nwyddau Nadoligaidd ar werth. Dewch i'w cefnogi!

Wnaethoch chi hel pethau i lenwi Bocs Esgidiau eleni? Teams for you rydyn yn defnyddio i'w cludo ac os oes angen hetiau/sgarffiau/menyg i'w llenwi cysylltwch - mae gen i rai ar ol Arddangosfa'r Pasg. Gellir mynd a'r Bocsus i 75, Bowen Court, Parc Busnes Llanelwy ddechrau Tachwedd – dewch mewn cysylltiad.

Hefyd mae casgliadau yn dal yn cael i'w gwneud tuag at y Ffoaduriaid – esgidiau gaeafol, wellingtons, blancedi, cotiau cynnes neu bethau sy'n dal dŵr a nwyddau ymolchi a glanhau'r dannedd. Ffoniwch fi i'w nôl.

Cofion

Nesta



Newyddion rhifyn R h a g f y r o'r Cadwyn Bro,
erbyn dydd Gwener Tachwedd 16.

e-bost : meindiddos13@gmail.com

neu: 01745890417